



Inatsisartuni Ilaasortaq Aleqa Hammond, Siumut
Maani

Sinerissami Qanittumi Avataasiorlutillu Aalisariutaatillit Peqatigiiffiata, AP-p, soorlu Aalisarneq pillugu Siunnersuisartoqatigiinni ilaatinneqalernissaa pillugu Naalakkersuisunut apeqqummut Nr. 2010-137 akissut

12. juli 2010
Sagsnr. 2010-033790
Dok. Nr. 416175

Postboks 269
3900 Nuuk
Tlf. (+299) 34 50 00
Fax (+299) 32 47 04
E-mail: apnn@nanoq.gl
www.nanoq.gl

Suliassaqarfiup akisussaaffigisama ulloq 22. juni 2010-mi Naalakkersuisunut apeqquteqaatit tiguaa.

Sinerissami Qanittumi Avataasiorlutillu Aalisariutaatillit Peqatigiiffiat (AP) Naalakkersuisut qaqugu Aalisarneq pillugu Siunnersuisartoqatigiinni is-siaqataatilissavaa aammalu maannamut peqataatinneqarumanginneran-nut taaseqataatinneqartannginneranullu Naalakkersuisut suut tunngavil-ersuutigaat?

Ap-p pilersinniarneqarneranut atatillugu pingaarnertut suliniuteqartut, Royal Greenland A/S aamma Polar Seafood A/S, Aalisarneq pillugu Siunnersuisarto-qatigiinni ilaasortatut ataatsimeeqataasartutut inissisimareerput aamma ilisima-titsissutigineqartut malillugit taakku siunnersuisartoqatigiinni oqaluuseri-saqarnerni peqataasarpud.

Aalisarneq pillugu Siunnersuisartaqatigiinni ilanngunneqarnissani pillugu juni 2009-mili AP qinnuteqarpoq. Suliap suliarineqarnerata nalaani qinnuteqaat Si-unnersuisartoqatigiinni ilaasortanut saqqummiunneqarpoq oqaaseqarfigineqar-nissaa siunertaralugu. Aalisarneq pillugu inatsisip nutarterneqarneranut atatil-lugu, siunissami sulinermut tunngavissap aamma katitigaanerup oqal-lisigineqarnissaat, Siunnersuisoqatigiit inassutigaat.

Inatsimmut nutaamut siunnersuut tusarniaassutigineqarpoq aamma taamaat-tumik Aalisarneq pillugu Siunnersuisartoqatigiit siunissami sulinerannut tunngavissaq aamma katitigaaneq pillugit siunnersuuteqarnissamut periarfis-saqassaaq.

Inussiarnersumik inuulluaqqusillunga
Med venlig hilsen

Ane Hansen



SIUMUT INATSISARTUNI ILAASORTAATITAT / LANDSTINGSGRUPPEN

Nuuk, juunip 22-at, 2010

Inatsisartut suleriaasiat § 36 immikkoortoq 1 naapertorlugu Naalackersuisunut imaattumik apeqquteqarniarpunga.

Naalackersuisunit qaqugu Sinerissami Qanittumi Avataasiorlutillu Aalisariutaatillit Peqatigiiffiat (AP) aalisarnikkut suleqatigiiffinni peqataatilissavaat aammalu maannamut peqataatinneqarumanninneranut suna tunngavilersuutigisinnaavaat?
(Aleqa Hammond, Siumut)

Tunngavilersuut:

Juunip 12-ani 2009-mi AP qinnuteqarpoq Fiskerirådemut ilaasortannornissamut. Naalackersuisunit itigartitsissutigineqarpoq.

AP tassaavoq peqatigiiffik, taamaattoq kattuffiunngikkaluarluni kattuffittulli allatuulli maluagassaqarluni, siulersuisoqarluni, siunnerfimmik aaliangersaqarluni minnerungitsumillu inatsisitigut erseqqissaassutigineqarsimalluni kattuffittulli allatuulli pisinnaatitaaffeqartumik inissisimalluni taamatullu aalisarneq pillugu suleqatigiiffinni peqataatinneqarsinnaanerani ajornaquteqanngitsoq.

AP sinerissap qanittuani kinguppaat pisassat 33%-ii AP-mut tunniunneqartarput aammalu avataasiorluni kinguppaat pisassat 74 %-ii AP-mik tunuliaqutaqarput.

Aalisarnermut inatsisissap sanarfineqarnerani Siumumit isumaqarpugut pissusissamisoortuussasoq aalisarnermut susassaqtut tamarmik peqataatinneqassat, aamma AP.

Siumumi isumaqarpugut pissusissamisoortoq soorlu tamanna aamma Naalackersuisooqatigiit namminneq oqariartuutigisaraat, tassalu sapinngisamik inuiaqatigiinni oqartussaaneq siammasimasuussasoq oqartusaaqataaneq tusarniaasernerlu inuit naalackersueqataanerani aallaaveqassasoq, tamanna Naalackersuisunit AP-mut atuutsinnianninneraat erseqqissaasuteqarfigitikkumavara.

Ullut qulit qaangiutsinnagit akineqarnissara kissaatigaara.

Ikinngutinnersumik inuulluaqqusillunga

Aleqa Hammond
Siumut